

Undirbúningur lokasýna:

Safnsýnin má nota eins og þau koma fyrir sem lokasýni. Ef safnsýni er of stórt má undirbúa lokasýnið úr því með viðeigandi minnkunaraðferð. Með þessari aðferð má þó ekki skera niður einstaka ávexti eða grænmeti.

Undirbúningur rannsóknarsýna:

Undirbúa skal eins mörg rannsóknarsýni og krafist er samkvæmt innlendum reglum. Hvert rannsóknarsýni af sveppum og kryddjurtum skal veða a.m.k. 0,5 kg. Hvert rannsóknarsýni af öðrum ávöxtum og grænmeti skal veða a.m.k. 1 kg og samanstanda af a.m.k. 10 einstökum stykkjum af ávöxtum eða grænmeti. Ef 10 einstakir ávextir eða grænmetis-tegundir veða samtals meira en 5 kg má rannsóknarsýnið samanstanda af einungis 5 stykkjum.

Pökkun og flutningur á rannsóknarsýnum.

Hvert rannsóknarsýni skal sett í hreinar, efnafræðilega óvirkar umbúðir sem verja það nægilega gegn mengun og skemmdum í flutningi. Umbúðirnar skulu merktar og innsigliðar á þann hátt að ekki sé hægt að opna þær eða fjarlægja merkingar án þess að brjóta innsiglið.

Halda skal skrá yfir hverja sýnatöku á þann hátt að hver framleiðslueining er auðkennd á ótvíræðan hátt með dagsetningu og sýnatökustað ásamt öðrum viðbótarupplýsingum sem gætu komið greinandanum að notum.

AUGLÝSING

**um staðfestingu á breytingu á skipulagsskrá fyrir
sjálfseignarstofnunina Norður Atlantshafslaxsjóðurinn (NAS)
nr. 161 27. apríl 1992.**

Á framhaldsársfundi Norður Atlantshafslaxsjóðsins 27. september 1993 var samþykkt eftirfarandi breyting á 6. gr. skipulagsskrár sjóðsins:

Í stað orðanna „í maí“ í 6.1. í skipulagsskránni komi orðin: „fyrir októberlok“. Eftir breytinguna hljóðar fyrsti málslíður greinarinnar svo: „Ársfundur stofnunarinnar skal haldinn fyrir októberlok ár hvert“.

Ofangreind breyting á skipulagsskrá fyrir sjálfseignarstofnunina Norður Atlantshafslaxsjóðurinn (NAS) staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 21. desember 1993.

F. h. r.

Þorsteinn Geirsson.

Jón Thors.